

ius vel alterius planetæ statum prosperum, aut infelicem, quæ nec iuuare possunt in Alchimix naturalis arte, nocere ve multò minùs: si verum alioqui processum, aut possibilem habeas, operare cùm libuerit. Modò non ex teipso, vel tuis operationibus & intellectu sit aliquis defectus, planetæ syderave cœlestia tibi non officient in hoc opere. Locus etiam rerum omnium perpetuus, temporis expers atque principij finisq; locorum ubiuis operatur essentialiter; cuius nulla spes est, quod reputatur impossibile, quod etiam incredibile desperatumq; videtur, mirabiliter in veritatē erumpit. Deus enim & natura nihil faciūt frustra. Notandum est apprimè hoc ad mercuriū vrens. Quicquid in colorem album tingit, vitæ naturam habet, lucisq; potestatē atq; proprietatem, quæ vitam causaliter efficit: ignis cū suo calore, vitæ huius est origo. Quicquid è contrà tingit in nigredinem, aut nigrum efficit, naturam cum morte communem habet, tenebrarumq; proprietatem & vires mortis efficaces. Corruptionis huiusmodi coagulatio fixationeq;